



Broj: 02-34 - 390 /21
Fojnica: 12.03.2021. godine

Na osnovu člana 15. Zakona o principima/načelima lokalne samouprave u F BiH („Službene novine F BiH“, broj: 49/06), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) i člana 6. Pravilnika o kriterijima za dodjelu stipendija, broj: 01-04-219-11/20 od 20.02.2020. godine („ Službene novine Općine Fojnica“, broj: 1/20) i Odluke o izmjeni Pravilnika o kriterijima za dodjelu stipendija, broj: 01-04-833/20 od 02.07.2020.godine („ Službene novine Općine Fojnica“, broj: 2/20) , Načelnik Općine Fojnica raspisuje

JAVNI KONKURS/NATJEČAJ **za dodjelu stipendija redovnim/redovitim studentima** **sa područja Općine Fojnica za akademsku 2020/2021 godinu**

I.

U skladu sa Pravilnikom o kriterijima za dodjelu stipendija Općine Fojnica broj: 01-04-219-11/20 od 20.02.2020. godine godine i Odluke o izmjeni Pravilnika o kriterijima za dodjelu stipendija broj: 01-04-833/20 od 02.07.2020.godine, Općinski Načelnik objavljuje Javni konkurs/natječaj za dodjelu stipendija redovnim/redovitim studentima sa područja Općine Fojnica za akademsku 2020/2021 godinu, i to:

1. 15 (petnaest) stipendija

Redovnim/redovitim studentima I i II ciklusa studija koji studiraju fakultet deficitarnog zanimanja (medicinski, farmaceutski, elektrotehnički, arhitektonski, građevinski, geodetski, mašinski, prirodno-matematički fakultet – odsjek matematika i fizika, prednost ima nastavnički smjer, te studenti koji fakultetskim obrazovanjem stječu zvanje edukatora i rehabilitatora, socijalnog pedagoga, te logopeda i surdoaudiologa).

2. 15 (petnaest) stipendija

Ostalim redovnim/redovitim studentima I i II ciklusa studija koji studiraju na fakultetima u Bosni i Hercegovini ili inostranstvu, po kriteriju:

- socijalno stanje (odnosi se na broj izdržanih članova porodice/obitelji) i
- materijalni položaj (podrazumijeva svaki prihod jednog domaćinstva, odnosno njegovih članova porodice/obitelji koji ostvaruju primanja na temelju plate, penzije/mirovine, primanja od zakupa, primanja na temelju braniteljsko-invalidske zaštite, primanja od ratnih i vojnih odlikovanja, dopunske djelatnosti, naknada i sl.).

U ovaj kriterij se ne ubrajaju davanja na ime socijalne pomoći i dječji dodatak.

Ukoliko se utvrdi da dva ili više studenta imaju isti broj bodova, prioritet prilikom odabira ima student više nastavne godine.

Ukoliko studenti imaju isti broj bodova i nalaze se na istoj nastavnoj godini u obzir će se uzeti prijava studenta sa boljim prosjekom ocjena.

U slučaju da se prijavi manje od 15 studenata koji studiraju fakultete za deficitarna zanimanja, stipendije će se dodijeliti studentima drugih fakulteta sa druge rang liste, tako da ukupan zbir iznosi 30 stipendija.

Ukupan iznos novčanih sredstava predviđen za stipendije iznosi 30.000,00 KM.
Iznos pojedinačne mjesečne stipendije koja se isplaćuje deset mjeseci iznosi 100, 00 KM.

II.

Pravo učešća na konkurs/natječaj za dodjelu stipendija imaju studenti koji ispunjavaju sljedeće kriterije:

1. Da su državljani Bosne i Hercegovine
2. Da imaju prebivalište na području Općine Fojnica
3. Da su redovni/redoviti studenti
4. Da studiraju na fakultetima u Bosni i Hercegovini ili inostranstvu/inozemstvu
5. Da nisu ponavljali godinu studija
6. Da ne primaju stipendiju od drugog davaoca ili studentski kredit
7. Da nisu stariji od 25 godina

III.

Uz prijavu za stipendiju studenti su dužni priložiti sljedeće:

1. Prijavni obrazac (Prijavni obrazac St-1 može se preuzeti na Info pult Općine Fojnica ili Web stranica Općine Fojnica: www.fojnica.ba)
2. Uvjerenje o državljanstvu (original ili ovjerena fotokopija/preslika ne starija od 6 mjeseci)
3. Originalno uvjerenje/potvrda da su redovni/redoviti studenti visokoškolskih ustanova u Bosni i Hercegovini ili inostranstvu/inozemstvu
4. Potvrda da student prvi put upisuje godinu studija za koju se prijavljuje na konkurs/natječaj
5. Uvjerenje o položenim ispitima sa ocjenama i izvedenom prosječnom ocjenom ili ovjerenu fotokopiju/presliku indeksa sa ocjenama za sve prethodne godine studija
6. Studenti I godine studija, svjedočanstva od I-IV razreda škole (ovjerene fotokopije/preslike)
7. Uvjerenje o prebivalištu (CIPS), ne starije od 3 mjeseca
8. Ovjerena izjava od nadležne općinske službe da nije ostvario/la stipendiju ili kredit od drugog davaoca i da Općina Fojnica može koristiti lične/osobne podatke prilikom objave rezultata na oglasnoj tabli i web stranici (Obrazac izjave St-2 može se preuzeti na Info pult Općine Fojnica ili Web stranica Općine Fojnica)
9. Izjava o zajedničkom domaćinstvu (Općina Fojnica ili Mjesna zajednica)
10. Dokaz o visini prihoda članova zajedničkog domaćinstva:
 - a) Potvrda o visini plaće zaposlenih članova domaćinstva
 - b) Ček od PIO/MIO o visini penzije/mirovine (porodična/obiteljska, starosna penzija/mirovina, invalidska penzija/mirovina) ako je član domaćinstva penzioner/umirovljenik
 - c) Za nezaposlene, potvrdu o nezaposlenosti (potvrdu Zavoda za zapošljavanje)
11. Dokaz da je iz porodice/obitelji poginulih branitelja, šehida, poginulih boraca, student bez oba roditelja, student kojeg uzdržava samohrani roditelj i student iz porodice/obitelji RVI 100% invalidnosti.

12. Potvrda ili Ugovor o otvaranju tekućeg računa - (original ili fotokopija/preslika).

IV.

Prijavu s dokazima poslati na adresu:

Općina Fojnica,
Komisija/Povjerenstvo za provođenje konkursa/natječaja za dodjelu stipendija
redovnim/redovitim studentima Općine Fojnica u akademskoj 2020/2021. godini
Ulica Bosanska 94, 71270 Fojnica
S naznakom „NE OTVARAJ“, ili donijeti lični/osobno na pisarnicu Općine Fojnica.

Konkurs/Natječaj ostaje otvoren 15 dana od dana objavljivanja na oglasnoj tabli Općine Fojnica, web portalu ili na lokalnim medijima.

Neotpune i neblagovremene prijave neće biti uzete u razmatranje.

Prijave sa dokazima o ispunjavanju uvjeta za dodjelu stipendija neće se vraćati podnositeljima.

V.

Konačnu odluku o dodjeli stipendija donosi Načelnik Općine Fojnica.
Konačna odluka bit će objavljena na oglasnoj tabli Općine Fojnica i web stranici Općine.

Nezadovoljni student može podnijeti prigovor Općinskom načelniku, u roku od 8 dana od dana objavljivanja Odluke o dodjeli stipendija, na oglasnoj tabli Općine, i to putem pošte na adresu: Općina Fojnica, ulica Bosanska 94, 71270 Fojnica.

U postupku po prigovoru, primjenjuju se odredbe Zakona o upravnom postupku Federacije BiH.

VI.

Konkurs/Natječaj za dodjelu stipendija redovnim/redovitim studentima sa područja Općine Fojnica za akademsku 2020/2021 godinu provodi Komisija/Povjerenstvo imenovana/o od strane Općinsko vijeće na prijedlog Načelnika Općine, a u sastavu dva općinska vijećnika i tri državna službenika.

Sa odabranim studentima Načelnik Općine Fojnica će potpisati Ugovor o dodjeli stipendije.

Dostavljeno:

- Oglasna tabla Općine Fojnica
- Web portal Općine Fojnica
- A/a

 **OPĆINSKI NAČELNIK**

Sabahudin Klisura, dipl. ing.

